



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

44. Consta[n]tinus de Bragantia Prorex, magnus fidei promotor.

urn:nbn:de:hbz:466:1-11445

cælo flammam ludis & ignium iaculis collucente , personanteque gratulatoriis plausibus & vocibus populi, fausta omnia acclamantis.

44

Constatinus
de Bragantia
Prorex , ma-
gnus fidei
promotor.

Tam illustri facto & maiestate argumenti , lustrationis que magnificientia tam nouo , instaurata est magnam partem religionis Christianæ ante biennium depressa gloria , cupiditate quorundam improba , qui ut inde scribebat vir sapiens, cum ex Europa soluunt in Indias , conscientiam videntur relicto in littore abiicere , aut eius ad primos tempestatis motus iacturam facere. Legibus olim Regis piissimi Ioannis , & generalibus Goanae Ecclesiæ synodis proscriptus fuerat poenitentia grauissimis usus omnis superstitionum ethnicarum , & Mauricarum ex omni ditione Lusitana , quod earum nonnullæ præterquam quod impiæ , essent etiam crudeliter barbaræ : haud tamen propterea Brachmanes segnus satagebant, ut sua paulatim festa sacrilega, in usum reuocarent , nec raro incidit ut publicæ rei administratos nocti cupidos & venales , votis impiis poterentur , & ab iis Deum promiscue cæca lucri fame habentibus nundiarentur probra diuini honoris & religionis ; quod iis nunquam felicitate adeò impia processit , & Christiani nominis tanto dedecore ut anno 1555. quo viles animas publici administras magnis pretiis mercati, per eas ad hoc proregem adduxere , ut rei Lusitanæ bene consuli putaret, si concederetur aliquid Brachmanis , darentur aliqua illorum quieti , remitteretur nonnihil de severitate legum quæ ad stabiliendam fidem olim necessariae , fide tunc altis firmata radicibus , nullo admodum fructu servari dicebantur. His apta principiis Theologiae quæstuosæ conscientia infelici , abrogatio legum expeditus tribus his digesta capitibus ; fore ethnicis liberum aucto more, suis mortuis parentare, etiam uxorum viui comburio , cum cadaveribus maritorum. Liberum item dum nuptias facerent sua cursu per urbem circumvehere simulactra , & sua circum insanis vocibus , & saliorum motibus orgia celebrare. Denique liberum sua mancipia , sacro fonte in libertatem asserta Christianam , in seruitute retinere , sed Christianis venalia , ut heros duimtaxat , non conditionem commutarent , cooperuntque mox tria hæc piarum legum probra mortifera, incredibili bonorum omnium dolore in mores induci, ex quo etiam id intelligitur quam rectè vir prudens , æmulatorque diuinæ gloria strenuus Baltazar Dias in Lusitaniam scriberet , malum esse in bonis ponendum & dignum immensis ad Deum gratiis, si quando Proreges & qui sub iis communi præsunt , nobis indignati aliò verterent , & sibi confessarios alibi quærerent. Ac sit ita sane & abstinere se nostros oporteat, ab attingenda Proregum gubernatione , à qua illos officij proprij ratio abundè eximit ; haudquaque tamen omittendum putarunt commune officium cuiusvis , modo Christiani , propugnandi scilicet diuini honoris , & ubi opus sit obiiciendi peccatus , ad eum afferendum. Nec iere incassum maturioris consilij monita , quibus præcipue Franciscus Rodriguez eundem Proregem reduxit in orbitam ex qua fraude potius aliena , quam suapte sponte aberrarat. Christianorum dedecus & religionis , nouis legibus

legibus emendatum & quantumlibet iniuris, qui nundinata consilia in oppositum obstinabant, promulgatae sunt, pœnisque additis firmatae. Extetminata quævis superstitionis publica, quocumque tandem permisso indulcta diceretur. Collecti domo una quoquis infidelium ex genere, vel abiecti a parentibus vel iis orbati, ut illic alerentur, cum ratione uti possent suique compotes optarent quo maiorem cultu religionis ac legis vivere. Accessuris vero ad Christi lauacrum, ius confirmatum est successionis hæreditatæ, seu ab ethnicis, s. u. Mahometanis fuissent progeniti. Creatus Almeida Christianorum pater, cum amplissima potestate rei ipsorum publicæ regendæ, atque propagandæ: æque tamen superbum infidelium tumorem res nulla depresso, Christianorum gloriam adeo nihil auxit, ut translati ab illis in istos dignitatum gradus, & locuples gestio munierum publicorum, quibus virtutisque ante id temporis Brachmanes, tūm mite colebantur, tūm magnopere ditabantur. Emebant honorifica munera, lucrosas redempturas, commerciorum pinguissima commoda, quicquid pecuniarum Goa, eique confines insulæ haberent, vnis fere Brachmanum manibus tractabatur, & fidei hostibus gratiosis, tumidis, reverendis, miselli neophyti vitam trahebant ignobilem pauperem omni gradu honoris, & lucri occasionibus exclusam, & cum iis una infidelibus contemptui erat sacrosancta religio.

Tunc versis vtrimeque in oppositum vicibus, depresso Brachmanes, & quæstuosis redemptionibus extrusi prope abfuit quin pudoris, & damni impatientia Patrem Rodriguez de medio tollerent, & faces subderent nostrorum ædibus: Pafsim vero apud omnes queri, dolere iniuriam, dictitare id sibi, veris nimium vacibus mentem præfigisse, oppressuram se ruinam, haud sibi aliunde, quam ab illo S. Pauli execrabilis Collegio metuendam, quamquam hæc illos propriè ruina non obruit, fuitque Prorex Franciscus Barretus condendis legibus quam munendis felicior. Seruabatur ea laus ducis Bragantæ filio Constantino, quem anno 1558. regendis Indiis Barretus habuit successorem: magnum equidem splendore, sanguinis regij, sed maiorem luce propriarum virtutum, quibus nobilitatem sanguinis, & auorum glorias illustrauit: felix plane India & Christianitas Orientis, si naœta foret eodem tempore hos duos Xauerium, & Constantinum. Potuissent hi soli mutua desideria explorare, altero inuicem imperia & auctoritatem; altero labores indefessos, sudoresque præstante: quantum sub huius gubernatione diuersa fuerit à priori Christianæ rei, & ethnicæ facies, iucundum est, ex P. Ludouico Froës relegere. [Brachmanes, inquit, & nobiles ethnicæ munia omnia occupabant quæstui opportuna, & in aula Proregis primas obtinebant, Christiani contra in opificia sordida & ministeria detrusi vilissima, hortos, equos, & præsepio curabant, cum suo in publicum incredibili contemptu, velut capitum proletariorum, fiebatque interdum, ut accidere supplices ethnicis cogerentur, ad extorquendam ex aulæ ministris causarum suarum absolutionem. Iam, quæ

Bb 3 Dei

Dei est gratia si qui Brachmanum aliasue quicunque fuerit ethniconum, à Prorege aliquid decornunt petere; locum mari vicinum petunt præstolanturque illic patienter dum ex imminentí fenestra palatij vindendum se præbeat, ad solem interea, vel imbrem, ut cœlum fuerit, in portu aut littore stando, ambulando, expectandi nauseam decoquunt, coniectis perpetim fenestram versus luminibus: inde vt tandem conspici cœperit, humili corporis proclinatione mox illum certatim venerantur, manuque protendunt libellos supplices quos habent illi offendendos donec is hunc aut illum vt lubitum venerit, nutu ad se accersat, Proregis aulam vice versa conflant Christiani ciues, in ambulacris palatij spatiantur, ad limen interioris cubiculi sedent, prandentem cingunt illustri corona, holoserico pretioso, & coco ensibusque auratis insignes; si quid optant, perse ipsi id petunt, nullo egentes perductor. Accersit subinde Prorex P. Almeidam, hominem ad eius consilia mirè natum quid'eius in Christiana re ardore eximio plurimum vtatur. Quærit ex eo nunc, ecquid datus sit pretij, si bearit illum recenti nuntio nobilis cuiuspiam infidelis, Christiana sacra flagitantis; modo ex stimulat ad excogitandas artes nondum tritas, & nouos labores, quibus quam maxima ethniconum fiat ad Christum accessio. Almeidae vero quos mittit Deus fide imbuendos, eos illico Proregi sistit, vt discant probentque suis oculis ethnici quām humaniter, & beneuole, quām honorificè & amanter illos excipiat, complectatur, securos esse iubeat de patrocinio suo, & defensione. Hinc scel-stissimi Brachmanes, paulo prius hic rerum domini, nostro nunc suasu & opera, deiecti & in nihilum acti, odere nos morte quavis deterius, & de hoc nostro S. Pauli Collegio, monstra vituperationum pro sua rabie conficta spargunt. Sed larrent licet, mordere non valent. Pagodes illorum subruimus; festa impia, ne agant euincimus, retegimus illorum flagitia, & incantamenta; vtque miris modis sua dissimulent, & tegant, qua se latere maximè cogitarant illac eos inuestigamus, & intercipimus: hilaritates nuptiarum, ludorum, simulacrorum festiuas, nisi de media nocte, locisque clam maxirē occultis non celebrant, & quid'm taciti, nullo strepitu, & clamore quod luce palam antehac impudenter audebant; cumque has etiam subinde Christiani cautiones fallant, & intercipiant nocturna illorum orgia, moniti statim accurrimus, communimus simulachra, solennia in confusionem vertimus, hilaria in luētum & mœrem.] Hæc ille Proregis Constantini præclara describens studia & sollicitum ardorem in salute infidelium procuranda; sed hic ministris quibusdam Regis, si superis placet, non placuit, vitio hunc dabant non virtuti, aut si virtus hic foret, hanc esse Monachi non Proregis, eique stolidè obrebat, horas illum aiebant negotiis regiis furari, quas de religionis capitibus altercando sumebat cum Brachmanis. Humanitate illa erga neophytes tam familiari, viles non raro, seruos agones; & paterno illorum complexu ac tenero, dedecorari Proregis dignitatem,

dignitatem, quam sustinuerint illius maiores in summo semper honoris gradu. Optasse denique illum ardentius in augendo Regis quam Christi patrimonio laborare quod solis animatum accessionibus ditescit: nec defuere aliqui tam effrontes, ut ei obiicerent, egentiorem fore fiscum regium suo illo Prorege, quam omnibus retro Proregibus: onerandis in Lusitaniam nauibus mercium numerum descriptum iri carta breui; neophytorum longissimam, suis digesta diebus singulis, quibus Christiani effecti sunt singuli: benignam materiam dandarum ad Iesuitas literarum, sed fisco inutilem; & haec quidem noui illi Catones, quibus ipse tanto cordatus quanto illi amentius, ad Sebastiani Regis Domini sui obsequium, & gloriam plus conferre, insularum illorum vilissimi conuersionem ad Christi fidem, quam quicquid fisco totis ex Indiis proueniret, quicquid aromatum in Lusitaniam nauigationes annuae reportarent. Hac responsione amisit ab se pudefactos eorumque deinceps oblocutiones, & stultam prudentiam pluma pendens, misericordum saluti, ut instituerat nihil parcus institutus: eratque non iucundi modo, sed efficacis quoque apud religiosos Euangelij praecones exempli, vbi cumque occurreret ethnicus aut Mahumetanus, subsistere Principem, interrogare de secta, sectae mendacia, & fraudes aperire: adstruere legem Christianam eiusque sanctitatem, & miselli unius pertinacitati expugnandae, ita incumbere, ut si eius debellatione, Orientis imperium verteretur, quibus tantum abest ut fisco regio de redditibus annuis decesserit obolus; ut Deo potius, hanc eius eximiam, & Lusitanorum regum pietatem, quibus in hoc etiam fidem præstabat operam, pensante, arcem, ditionemque Damani, & Manaram insulam Lusitanicæ coronæ adiunxerit, partemque regni (ut post narrabitur) Iafanapatani. Dicendum hic paucis quam late fausteque Christi regnum in maritimis Goanis propagari, Constantini & Patrum iuncti animi & labores.

Atque ut nobis initium faciat ipsa Goa. Huius Insulæ tractus unum & viginti qua pagos, qua oppida censebat, agebant ad duo vel tria capitum millia, ferme in singulis adoratores idolorum; dolebat Patribus vehementer post tantum annorum in antiqua illos superstitione putrefacte; cumque ipsi quotannis, claram Euangelij faciem Aethiopibus, Iaponiæ, Moluco illaturi, nec metas nec modum nauigationibus & periculis ponerent, hos tamen prope domi & coram cernere in auita perire cœcitatem: cuiuscumque tandem id culpa fieret; decreuit fortiter Constantinus amouere quicquid eorum conuersioni obstitisset, eamque Patribus enixe commendauit. Ergo hi numero sedecim diuisam inter se insulam aggredi, festis quibusque diebus Goa exire ante lucem, suam quisque in partem laborum alacres pergere, & tam solerti esculentoque hamo, alij pueros cantu doctrinæ Christianæ; alij populum conditionibus ad eum appositis; Bonzios alij disputatione adeo capere, ut ramalibus passim amplissime constructis auditorio locus ubique paratur.

44.
Conuersorū
ingensnum-
reus Goan-
in tractu.